


B R E V E

S. MI D. N. INNOCENTII X.

I N C A V S A

Angelopolitana Jurisdictionis  
 in Indijs Occidentalibus  
 Nouæ Hispaniæ.



Casaraugustæ, Ex Prælo Didaci Dormer.

1870

DAVID

...

...

...

...

...

...

...

...

...

...

...

...

...

...

...

...

...

# INNOCENTIUS PAPA X.

Ad futuram rei memoriam.



VM sicut accepimus aliqua fuerint  
ortæ differentia inter Venerabilem  
fratrem Ioannem Episcopum Ange  
lopolitañ, siue Populæ Sanctorum  
Angelorum in Indijs Occidentali  
bus ex vna, & dilectos filios Cleri  
cos Regulares Societatis Iesu par  
tibus ex altera de, & super munere  
prædicationis verbi Dei in proprijs  
eorundem Clericorum Regularium petita solum Episcopi  
benedictione, quam in alienis Ecclesijs petita, & obtenta ab  
eodem Episcopo Diocesano licentia exercendi; necnon si  
per confessionibus laicorum audiendis præuio examine, siue  
approbatione eiusdem Episcopi Diocesani, quæ dicti Clerici  
Regulares in vim priuilegiorum prædictæ Societati Aposto  
lica auctoritate concessorum sibi proprio iure licere præten  
debant, & desuper in partibus fuerit deuentum ad plures actus  
iudiciales, & pro parte Clericorum Regularium huiusmodi  
ad electionem Conseruatorum priuilegiorum huiusmodi no  
bisque tam dicti Ioannis Episcopi, quam eorundem Clerico  
rum Regularium nomine pro sopiendis differentijs huiusmo  
di quadam Dubia decisionem differentiarum præfatarum, nec  
non iurisdictionem, ordinariorum in exemptos, & ipso  
rum Clericorum Regularium exemptionem á Iurisdictione  
Ordinarij concernentia fuerint proposita, ad quæ ambæ par  
tes responderi, & quid desuper obseruandum sit auctoritate  
nostra Apostolica statui, & stabiliri desiderabant. Nos, qui om  
nium

nium fidelium, & praesertim Ecclesiasticorum quieti libenter  
 incumbimus differentias praedictas, totumque negotium par  
 ticulari Congregationi aliquorum Venerabilium fratrum no  
 strorum S. R. E. Cardinalium, & dilectorum Romanae Cu  
 ria Praelatorum examinari commisimus, qui auditis sapius  
 procuratoribus praedicti Ioannis Episcopi, necnon Procura  
 tore Generali Societatis praedictae negotio mature discussio  
 omnibus dubijs, & petitionibus hinc inde proponitis respon  
 derunt prout sequitur, videlicet, Sacra Congregatio a San  
 ctissimo Domino Nostro deputata super controuersijs ver  
 tentibus inter Episcopum Angelorum in Iudijs Occidenta  
 libus, & Religiosos Societatis Iesu sepius auditis Procura  
 toribus ab eodem Episcopo ad Urbem allegatis, necnon ipsius  
 Societatis Procuratore Generali, negotioque accuratè dis  
 cussio censuit praedictos Religiosos nequaquam posse in Ci  
 uitate, & Diocesi Angelopolitana personarum saecularium  
 Confessiones audire sine approbatione Episcopi Diocesani,  
 nec verbum Dei praedicare in Ecclesijs sui Ordinis, non pe  
 tita ipsius benedictione, nec in alijs Ecclesijs sine eius licen  
 tia, nec in Ecclesijs etiam sui Ordinis ipso contradicente, &  
 contraueniente ab Episcopo tanquam Sedis Apostolicae De  
 legato coerceri, & puniri posse etiam censuris Ecclesiasticis  
 in vim Constitutionis sancti men. Greg. XV. quae incipit, In  
 scrutabili Dei prouidentia. Ac proinde memoratis Religio  
 sis, qui huiusmodi approbationem, ac licentiam se obtinuif  
 se non docuerint potuisse Episcopum, seu eius generalem  
 Vicarium praecipere sub poena excommunicationis latae sen  
 tentiae, vt a confessionibus audiendis, & verbi Dei praedica  
 tione abstinere, nec ob eam causam licuisse dictis Religiosis  
 quasi a manifestis iniurijs, & violentiis eligere Conservato  
 res, eosque, vt praesertur electos in Episcopum, eiusque Vica  
 rium Generalem indebitè, ac nulliter excommunicationem  
 fulminasse. Caeterum S. Congregatio serio in Domino hortat  
 ur, ac monet Episcopum, vt Christianae mansuetudinis me  
 mor erga Societatem Iesu, quae laudabili suo Instituto in Ec  
 clesia Dei tam fructuose laborauit, ac sine intermissione la  
 borabat paterno se gerat affectu, eamque in regimine Eccl  
 e

3

ita superuacillam adiutricem agnoscentes benignè foueat, ac  
pristinè suæ beneuolentiæ restituat, quemadmodum Sacra  
Congregatio ipsum facturum confidit, sibi que certo pollice-  
tur cum eius zelum, pietatem, ac pastoraletm sollicitudinem  
compertam habeat. Dat. Romæ die 16. Aprilis anno 1648. Et  
premissorum occasione pro parte prædicti Ioannis Episcopi;  
necnon Religiosorum Societatis Iesu in eadem Congregatio-  
ne proposita fuerunt diuersa Dubia de mandato Sanctissimi  
resoluenda, quæ quidem Sacra Congregatio sæpius auditis, vt  
in præmissis ab eodem Episcopo ad Urbem missis; necnon  
Procuratore Generali ipsius Societatis, negotioque mature  
perpensò ad singula Dubia ab utraque parte proposita res-  
pondit ordine, quo sequitur. Primo, An in casu quo Episco-  
pus præcipiat decreta aliqua Concilij Tridentini à Regulari-  
bus obseruari, & executioni demandari Regulares quicunque  
etiã Societatis Iesu sub prætextu, quod huiusmodi præcepta  
infringant sua priuilegia possint eligere Conseruatores?  
Congregatio respondit, si Episcopus præcipiat Regularibus  
etiã Societatis Iesu, vt decreta aliqua Concil. Trident. ob-  
seruent, ac exequantur in illis casibus, in quibus per ipsum  
Concilium, vel Constitutiones Apostolicas Regulares exem-  
pti subiiciuntur iurisdictioni, & correctioni Episcopi minime  
licere ipsis Regularibus ob eam causam Conseruatores eli-  
gere. Secundo An quando Ordinarius procedit iuris ordine  
seruato aduersus Regulares prædictos in casibus, in quibus  
per Concil. Trident. vel Constitutiones Apostolicas ipsi sub-  
iiciuntur possint Conseruatores Iudices assignare? Res-  
pondit, vt ad proximum non posse. Tertio, An Regularibus  
etiã Societatis Iesu asserentibus se habere priuilegia quo-  
minus obediant Episcopo in executione decretorum iuris  
communis Concilij Tridentini, & Constitutionum Apostoli-  
carum Ordinarij debeant ipsis adhibere fidem absque exhibi-  
tione huiusmodi priuilegiorum? Respondit, Ordinarios non  
teneri huiusmodi asseritioni fidem adhibere absque integrali  
priuilegiorum exhibitione. Quarto, An in casu quo Regula-  
res quicunque etiã Societatis Iesu exhibeant aliqua priuile-  
gia, & Ordinarij iudicent ea, non suffragari, calidè deo

agitur, & ad rem non facere Regulares præfati possint, & de  
 beant prouocari ad Summum Pontificem, vel in partibus In  
 diarum remotissimis ad Metropolitanum, suæ Ordinarium  
 vicinorem, vel potius possint hoc casu eligere Iudices Con  
 seruatores? Respondit, Si verba priuilegiorum sint obscu  
 ra, & ambigua non licere recurrere ad Metropolitanum, vel  
 vicinorem Episcopum, nec Conseruatores eligere, sed Sum  
 mum Pontificem pro interpretatione esse adeundum. Quinto  
 Vtrum Constitutio sæl recor. Gregor. XV. circa Conserua  
 tores Regularium publicata anno 1621. cum declarationi  
 bus Eminentissimorum Sacræ Congregationis Concilij Tri  
 dentini Interpretum desuper editis æque afficiat, & compre  
 hendat Religiosos Societatis Iesu, ac reliquos Regulares,  
 itaut omnia alia prædicta Societatis priuilegia fuerint redu  
 cta ad terminos dictæ Constitutionis, & sic impofterum de  
 beant ab ijs eligi Conseruatores iuxta formam, & tenorem  
 prædictæ Constitutionis? Respondit, huiusmodi Constitutio  
 nem cum declarationibus, vt prætenditur editis æque affice  
 re Religiosos Societatis Iesu, atque aliorum Ordinum, &  
 Conseruatores ad illius præscriptum esse eligendos non ob  
 stantibus quibusuis priuilegijs, quippe quæ omnia sunt reda  
 cta ad terminos ipsius Constitutionis. Sexto, An Regulares  
 Prædicti grauari ære alieno vel ad ratiocinia, vel Testamen  
 torum Executores possint conueniri coram Ordinario, si  
 Conseruatores non nominauerint intra tempus habile ab  
 Ordinario præscriptum. Respondit Regulares in causis præfatis  
 coram Ordinario loci esse conueniendos, si ad præscriptum Con  
 stitutionis sanctæ mem. Gregorij XV. Conseruatores non  
 elegerint ipsumque electionis documentum intra præfinitum  
 tempus in actis Curie ipsius Ordinarij non exhibuerint, ac  
 dimiserint. Septimo, An dicti Regulares Conseruatores siue  
 ad Iura, siue ad priuilegia tuenda assumentes teneantur ante  
 exercitium commissiõis præstare cautionem coram Ordina  
 rio, siue alio Iudice competente, de Iudicio Sisti, & iudica  
 tum soluendo, casu quo in lite siue causa succubuerint? Res  
 pondit non teneri. Octauo, An quando Episcopi Iura, vel  
 decimas Cathedralium aduersus Regulares prædictos dote  
 sua spoliantes Ecclesias coram Iudice competente teneantur

librosque memorialia, & allegationes producant Ius Ecclesiarum Cathedralium exprimentes, & acquisitiones Religiosorum, aliaque id generis adnumerantes huiusmodi scriptorum occasione possint Regulares nominare Conseruatores, pretendentes iniuriam sibi inferri in referendo immoderatas acquisitiones? Respondit: si Episcopi pro tuendis Iuribus Cathedralium Ecclesiarum coram Iudice competenti huiusmodi scripta producant, & Regularium immoderatas acquisitiones veraciter, & modestè referant non licere Regularibus ob eam causam ad Conseruatores recurrere. Nono, Vtrum Regularis quicumque, etiam Societatis Iesu possint administrare Sacramentum pœnitentiæ Secularibus absque licentia Episcopi Diœcesani, etiam si in aliena Diœcesi approbatus sit? Respondit Regulares etiam Societatis Iesu in vna Diœcesi ab Episcopo approbatos ad confessiones personarum secularium audiendas nequaquam posse in alia Diœcesi huiusmodi confessiones audire sine approbatione Episcopi Diœcesani. Decimo, An Episcopos contra dictos Regulares audientes in sua Diœcesi confessiones Secularium absque sua approbatione, vel Concionatores absque licentia Episcopi intra & extra proprias Ecclesias possit procedere, eos à talibus ministerijs remouendo, siue præceptis, & alijs Iuris remedijs coercendo? Respondit eisdem Regularibus, qui confessiones personarum Secularium audiunt sine approbatione Episcopi loci, vel prædicant in Ecclesijs sui Ordinis, non petita illius benedictione, aut in alijs Ecclesijs absque ipsius licentia, vel in Ecclesijs etiam sui Ordinis ipso contradicente posse Episcopum in vim Constitutionis sæcl. recor. Gregorij XV. quæ incipit Inscrutabili Dei prouidentia tanquam Sedis Apost. Delegatum administrationem Sacramenti pœnitentiæ, ac munus prædicationis interdicare eosque Iuris remedijs coercere, & punire Vndecimo, An quando Episcopo constat dictas licentias obtentas non fuisse, ipse possit præcipere, vt donec licentiam intra præscriptum, tempus exhibeant à tali ministerio abstineant, & an requirendus sit per Episcopum pro his exhibendis Prouincialis in alia Diœcesi, vel longissimè existens, vel ipsi Regulares confessorij, vel eorum

rum Superiores eiusdem Diocesis, in qua prædicta exercent? Respondit posse Episcopum sic præcipere, nec pro huiusmodi licentijs requirendum esse Prouincialem, sed satis esse ipsos Religiosos requirere, aut eorum Superiores in Diocesi Episcopi existentes. Decimosecundo, An si contingat vt aliquis prædictorum Regularium infurgat contra Episcopum in propria Diocesi maledictis cum scripto, vel dicto Populū scandalizando possit ab Episcopo puniri, & qua animaduersione, & quid si huiusmodi delinquens trasuerit ad aliam Diocesim hoc casu seruandum sit? & qua pœna puniendus sit Regularis, qui commorans in vna Diocesi spargat famosos libellos contra ordinarium alterius Diocesis? Respondit Si regularis intra claustra degens extra ea in casibus in Dubio expressis ita notoriè deliquerit, vt populo scandalo sit Episcopo instante teneri Superiorem Regularem infra tempus ab Episcopo præfigendum seuerè illum punire, ac de punitione Episcopum certiore[m] facere alioquin sic delinquentem ab Episcopo puniri posse ad præscriptum Concilij Tridentini cap. 14. sess. 25. de Regular. quod si delinquens ad aliam Diocesim migrauerit seruandum esse, quod præcipitur in Constitutione sanctæ mem. Clementis VIII. Incipien. Suscepti muneris ratio. Decimo tertio, An Conseruatores nominari & electi à Regularibus prædictis ante exercitium suæ Iurisdictionis teneantur electionis authenticam documentum exhibere coram Ordinario sub pœna nullitatis actuum? Respondit vtique teneri. Decimo quarto, An priuilegia, quæ sunt contra Iurisdictionem Ordinarij, & quibus gaudent, & gaudere prætendunt Regulares prædicti debeant Episcopis notificari, sine insinuari? Respondit, Regulares teneri huiusmodi priuilegia Episcopo exhibere, si eis vti voluerint. Decimo quinto, An prædia rustica, metallorum fodinæ, sacchari opificinæ à Regularibus Societatis. vel alijs possessa, vel alia Domus Seculares, in quibus videlicet, vnus vel duo Regulares tantum commorantur, gaudeant priuilegio Collegiorum seu Conuentuum? Respondit non gaudere. Decimosexto, Verum Regulares prædicti Apotecas quarumcumque mercium, macella, & similia præsertim prope Collegia, siue Conuentus ex-

ercentes, possint ab Ordinario sub censuris inhiberi, ne huiusmodi exerceant. Respondit non posse Episcopum hoc prohibere Regularibus exemptis, sed si in præmissis ita notorie delinquant extra claustra, vt Populo scandalo sint seruandum esse, quod dictum est supra in responsione ad duodecimum.

Decimo septimo, Vtrum Regulares, etiam Patres Iesuitæ in suis prædijs, opificinis, alijsque suis Domibus Secularibus sitis intra limites Parochialium ad se non spectantium possint administrare Sacramentum baptismatis, solemnibus matrimonijs, extremæ vnctionis, & Eucharistiæ in Festo Paschæ famulis, Mercenarijs, Rusticis, siue alijs id genus hominibus secularibus absque Ordinarij, vel Parochi licentia? Respondit non posse.

Decimo octauo, Vtrum Patres Societatis in Ciuitate, & Diœcesi Angelorum possint consecrare vasa sacra, altaria & similia in quibus vnctio requiritur? Respondit eisdem non posse.

Pro parte verò Religiosorum Societatis Iesu proposita fuerunt infra scripta Dubia.

Primo, An Episcopi in partibus Indiarum possint ex integro totum vnum Monasterium, vel Collegium ab audiendis confessionibus suspendere? Respondit Episcopos Indiarum posse quidem omnibus simul vnius Monasterij, vel Collegij Confessarijs adimere facultatem audiendi confessiones personarum Secularium etiam in consulta Sacra Congregatione Episcoporum & Regularium negocijs præposita cum decreto ab ea editum sub die 20. Nouembris 1615. ex intentionis defectu, & conuenientia morali non extendatur ad Regiones illas, tam longe ab Vrbe distitas. Verum ab hac generali suspensione, quæ vix sine scandalo, & animarum pernicie contingere potest abstinendum esse Episcopis nisi grauissima subsistente causa super quo Sacra Congregatio illorum conscientias grauerit voluit esse oneratas.

Secundo, An Episcopus Regularem pro confessionibus semel approbatum sine noua causa suspendere possit ab ipsis confessionibus audiendis. Respondit Regulares alias liberè ab Episcopo præuio examine approbatos ad audiendas confessiones personarum Secularium ab eodem Episcopo suspendi non posse, sine noua causa eaque ad confessiones ipsas pertinente.

Tertio, An Bulla Pij V. 34. in ordine

dine tom. 3. Bullarij concessa instante, & supplicante Serenissimo Rege Catholico non ad petitionem Regularium sit reuocata in Bullis Summorum Pontificum in quibus exemptiones Regularium mitigantur? Respondit agendum cum Sanctissimo, an velit declarare Bullam non esse reuocacam, illam tamen non suffragari, nisi in locis vbi est defectus Parochorum. Quarto, An Episcopus possit cum censuris procedere contra Regulares exemptos, si inobedientes fuerint in confessionibus audiendis, vel prædicatione verbi Dei, & hoc an vigore Concilij Tridentini, vel per quem canonem? Respondit posse procedere, non quidem in vim Concilij Tridentini, sed in vim Constitutionis Gregorij XV. quæ incipit Inscrutabili Dei providentia. Quinto, An licentia audiendi confessiones, & prædicandi, ab Episcopo per litteras missiuas, an solum per litteras patentes Cancellariæ concedi possit? Respondit posse concedi etiam per litteras missiuas, vel oretenus si ita Episcopo videbitur. Sexto, An talis licentia oretenus sine scriptis concedi possit? Respondit, vt ad proximum. Septimo, An facultas eligendi Conseruatores concessa Societati à Gregorio Decimotertio suffragetur illis in locis in quibus non adsunt Iudices Synodales. Respondit, vbi non adsunt Iudices Synodales priuilegium Gregorij XIII. non suffragari, quoad hoc vt Societas non teneatur ex illis eligere Conseruatores dummodo tamen in reliquis seruetur forma Constitutionis Gregorij XV. hac de re edita. Octauo, An Conseruatores Societatis, Vicarios generales Episcoporum auctoritate Apostolica per sententias, censuras, & pœnas Ecclesiasticas compellere possint virtute Bullæ Gregorij XIII. Incipien AEquum reputamus. Datum vltima Februarij 1573. Respondit posse à manifestis iniurijs, & violentijs eos comescere, etiam censuris, & pœnis Ecclesiasticis. Dat. Romæ die 16. Aprilis 1648. Qua propter, vt præmissa firmius subsistant, & inuiolabiliter obseruentur Nobis pro parte Ioannis Episcopi huiusmodi fuit humiliter supplicarum, vt illa auctoritate Apostolica confirmare de benignitate Apostolica dignaremur. Nos igitur dicti Ioannis Episcopi votis hac in re annuere, illumque specialibus fauoribus & gratijs pro-

sequi volentes, & eundem Ioannem Episcopum á quibusvis  
 excommunicationis, suspensionis, & interdicti alijsque Eccle  
 siasticis sententijs, censuris, & pœnis á Iure, vel ab homine  
 quauis occasione, vel causa latis si quibus quomodolibet in  
 nodatus existit ad effectum præsentium dumtaxat conse  
 quenti, harum serie absoluendi, & absolutum fore censentes hu  
 iusmodi supplicationibus inclinati præsertim responsa, seu  
 resolutiones auctoritate prædicta tenore præsentium confir  
 manus, & approbamus illisque Apostolicæ firmitatis vim, &  
 robur adjicimus, & inuiolabiliter obseruari mandamus, salua  
 tamen semper in præmissis auctoritate dictæ Congregatio  
 nis Decernentes sic, & non aliter in præmissis per quoscun  
 que Iudices Ordinarios, & Delegatos etiam Causarum Pala  
 tij Apostolici Auditores, ac S. R. E. Card. etiam de latero le  
 gatos iudicari, & diffiniri debere, ac irritum, & inane si quid  
 fecus á quoquam quauis auctoritate scienter, vel ignoranter  
 contingerit attentari. Non obstantibus Apostolicis, ac vni  
 uersalibus, Prouincialibusque, & Synodalibus Concilijs edi  
 tis generalibus & specialibus Constitucionibus, & ordinatio  
 nibus; necnon Ecclesiæ Angelopolitanæ ac Societatis prædictæ,  
 etiam iuramento, confirmatione Apostolica, vel alia qua  
 uis firmitate roboratis Statutis, & Consuetudinibus priuile  
 gijs, quoque Indultis & litteris Apostolicis eidem Ecclesiæ &  
 Societati sub quibuscunque verborum tenoribus & formis,  
 ac cum quibusvis etiam Derogatorijs derogatorijs, alijs  
 que efficacioribus & insolitis clausulis, ac decretis etiam inri  
 tantibus etiam motu proprio, ac etiam consistorialiter, &  
 alias quomodolibet in contrarium præmissorum quomodo  
 libet concessis, confirmatis, & innouatis. Quibus omnibus, &  
 singulis, etiam si pro sufficienti illorum derogatione de illis  
 eorumque totis tenoribus specialis, specifica, expressa, & indi  
 uida, ac de verbo ab verbo, non autem per clausulas gene  
 rales idem importantes mentio, seu quæuis alia expressio ha  
 benda, aut aliqua alia exquisita forma ad hoc seruanda foret,  
 illorum omnium, & singulorum tenores præsentibus pro ple  
 nè, & sufficienter expressis habent, illis alias in suo robore  
 permansuris ad effectum præmissorum specialiter, & expres

se derogamus ceterisque contrarijs quibuscunque. Datum  
Romæ apud S. Mariam Maiorem sub annulo Piscatoris die  
xiv. Maij M. DC. XXXXVIII. Pontificatus Nostri Anno  
Quarto.

## M. A. Maraldus.

In Nomine Domini Amen. Præfens co-  
pia extracta fuit è suo proprio originali  
mihi Notario publico infrascripto exhi-  
bito per Ill. & R. D. Licentiatum Ioan-  
nem Maganum Procuratorem Ill.<sup>mi</sup> & Ex-  
cell.<sup>mi</sup> D. Episcopi prædicti eidem exhi-  
benti incontinenti restituto, cum quo  
facta per me eundē Notarium collatio-  
ne, illam cum dicto originali de verbo  
ad verbum concordare inueni, salua sem-  
per meliori collatione, & in fidem &c.  
Datum Romę in Officio mei &c. hac die  
16. Maij 1648.

*Ego Sebastianus Cesium Curie Eminentiss.  
Card. Vicarij Notarius de præmissis  
Locus † Sig. rogatus præfens instrumentū subscripsi  
& publicavi requisitus in fidem &c.*

*Nos Martinus miseratione diuina tituli Sancti  
 Petri ad Vincula S. R. E. Presbyter Cardin.  
 Ginettus nuncupatus Sanctiss. D. Papæ, &  
 Almx Urbis Vicarius Generalis, Romaneq;  
 Curie, & eius districtus Index ordin.*

Vniuersis notum fecimus, & attestamur supra-  
 dictum Dominum Sebastianum Cæsium, de  
 præmissis rogatum fuisse, & esse talem, qua-  
 lem se fecit, eiusque publicis, ac similibus  
 scripturis semper in iudicio, & extra fuis-  
 se adhibitam, & de præsentem plenam adhibe-  
 ri fidem. In quorum omnium & singulorum  
 fidem &c. Datum Romæ ex Aedibus nos-  
 tris his die, mense, & anno superius dictis.

*Pro D. Leonardo de Leonardis.  
 Leonides de Iulianis Substitutus.*

Locus ✠ Sigilli.

Faint, illegible text at the top of the page, possibly a header or title.

Main body of faint, illegible text, appearing to be several lines of a letter or document.

God D. A. ... de ...  
A ... de ...

... ..

Small, illegible text or stamp at the bottom left corner.